

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

tas tribulationis nostræ, operetur *δέξαρτε*
καθ' ὑπερβολὴν, εἰς ὑπερβολὴν, 2. Cor. 4.
 v. 17.

III. *Exletā servorum obviatione*, qui ipsi
 nuncium afferunt: Filius tuus vivit.

Pater noster cœlestis, tanquam magnus
 ille cœli & terræ Dominus, adhuc hodiè
 habet servos suos, qui sunt fideles verbi mi-
 nistri, quos nobis obviā mittit, ut si mæ-
 tor occupet cor nostrum, bonum nobis
 nuncium afferant, nosque confirment in
 cruce, *veritate Dei*, quod nos juxta promis-
 sionem liberatus sit, Psal. 50. v. 15. *Dei*
omnipotētia, quod possit juvare, sitque
 mutatio dexteræ excelsi, Psal. 77. v. 11. *Dei*
misericordia, quod velit juvare, quia Pater
 noster est, qui pro paterno suo in nos affer-
 at, nos non derelicturus sit, Psalm. 103.
 v. 13.

Imprimis verbum hoc pii Christiani
 audiunt, quando liberis, parentibus, &
 conjugibus per mortem privatuntur, ut dicatur
 ipli: Filius tuus vivit. Pater tuus vi-
 vit. Maritus tuus vivit. Mors enim
 Christianorum non interitus est, sed abitus
 ad Patrem, & introitus in Paradysum, ubi
 vera vita orietur, Sir. 48. v. 12. ibi namque
 mors non amplius erit, Apoc. 21. v. 4. sed
 justi in æternum vivent, Sap. 5. v. 16.

Jobus omnia dupla recuperavit, quæ
 amiserat, nisi filios & filias, qui eodem nu-
 mero ipsi restituti leguntur: Ratio erat,
 quia hi non interierant, sed vivebant, &
 hos quoque in universalis resurrectione re-
 cepturus erat, Job. 42. v. 12. scqq.

Ita si mors adcederit per fenestras
 tuas, & tibi uxorem, liberos, parentes, &
 amicos eripiat: certissimè persuadeas tibi,
 non esse eos amissos, sed præmissos: die

novissimo audies: Filius tuus vivit: Uxor
 tua vivit, Amicus tuus vivit, & sic ulterus.
 Sicut hāc ipsa ex causa dies ille, dies restitu-
 tionis omnium dicitur, Act. 3. v. 21.

Videamus verò ut in loco beato con-
 veniamus, non in inferno: sed in cœlo.
 Duo enim loca sunt, ad quæ animæ homi-
 num migrant, quando corporibus solvun-
 tur: fidelium abeunt in cœlum, ubi abun-
 dantia gaudiorum cum vultu Dei, dele-
 statio[n]es in dextera ejus in æternum, Psal.
 16. v. ult. infidelium verò in infernum ab-
 jiciuntur, ubi requie[n]a non habent die ac
 nocte, Apoc. 14. v. 11. sed mors depascit
 eas, Psal. 49. v. 15. & ira Dei manet super
 illas in æternum, Joh. 3. v. 36.

Ne itaque modum excede in lugendis
 defunctoriis, quando beatè illos in Do-
 mino mortuos esse, nosti, in requie enim
 requiescant, Sir. 38. v. 24. quin potius ita
 rationem tuam institue, ut & tu in pace ad
 Patres & amicos tuos transeas. Disce igitur
 artem moriendi, quam tibi Christus in
 cruce ostendit, ubi Spiritum suum Patri
 commendavit, Luc. 23. v. 46. sic & tu o-
 mnibus horis & momentis, maximè vero
 in horâ mortis, fideli Creatori commenda
 animam tuam, in benefaciendo, 1. Petr. 4.
 v. 19. sic eam colliget in fasciculum viuen-
 tium, 1. Sam. 25. v. 29 & aliquando corpori
 redunabit, teque in occursum Christi rapiet
 in aëre, erisque cum eo semper, 1. Thess. 4.
 v. ult.

De Tertio.

R Estat Cautela, quæ tribus absolvitur
 Regalis, ut sunt

I. *Verbo crede*. Regulus initio fide in-
 firma laborabat, putabat enim, si Christus

non

non in tempore, vivo adhuc filio operi ferrer, esse deinde planè frustraneum. Verum ubi Christus ih̄ dicit: Vade, filius tuus vivit: ecce! verbum hoc tam efficax est in corde ejus, ut non dubitet, quin ita sit, ad eoque latabundus domum properet.

Hic discimus, quomodo oculos rationis claudere, & unicē verbo adhārēscere debeamus, si rebus nostris consulere, & petītūm consequi velimus.

Regulus hic multa Christo regerere potuisset, si rem in dubium vocasset: sed unicē verbo inititur, nec dubitat, quin filium suum pristinae sanitati restitutum, inventurus sit. Hinc & salutaris ille effectus sequitur, ut fides promissio Christi fidens, sanitatem filii operetur.

Conspicimus hic, quanta virtus fidei salvifica sit. Si Regius hic non credidisset, nihil auxilii accepisset. Sic oculi Domini semper adhuc respiciunt fidem, Jer. 8.v.3. & quod ex fide non est, peccatum est, Rom. 14.v.24.

Non verò hic sufficit fides implicita, quā Pontificii contenti sunt, si quis crederat, quod Romana Ecclesia credit. Hæc non est fides, sed damnabilis ignorantia: contrarium requirit Petrus, 1. Ep. 3.v.14. Nec Fides historicā, quæ & in Diabolos cadit, Jac. 2.v.19. Sed fides salvifica, quæ à promissionibus divinis pendet, ut infans ab überibus matris suæ, & omnia quæ Christus generi humano acquisivit, in individuo sibi applicat, non dubitans de effectu promissiohum divinarum, Sap. 3.v.9.

Hæc fides non est omnium, 2. Thess. 3.v.2. sed opus Dei, Joh. 6.v.29. quod per Verbum & Sacra menta in cordibus hominum inchoat, perficit, & consum-

mat, Roman. 10.v. 17. Philip. 2.v.13. Qui igitur hoc medium spēnit, spēnit consilium Dei adversus seipsum, Luc. 7.v.30.

Da igitur operām, ut habeas fidem, & bonam conscientiam, 1. Tim. 1.v.22. 1. Joh. 3.v.23.

II. Fomentum quare. Regulus studiose interrogat horam, quā filius melius habuerit; & ubi ex servis cognoscit, quod hora illa esset, in qua dixit ei Jesus: Filius tuus vivit: hoc ipso non parūm in fide confirmatur & roboratur.

Idem & nos faciamus. Fides est instar ignis: sicut igitur ad ignem semper ligna apponenda sunt, ne extinguantur: sic & fides per verbum concepta, semper alatur per certa media, ne vicissim amittatur. Talia sunt,

1. Verbi divini meditatio, in quo varias promissiones invenimus, quæ fidem nostram fulcire possunt: quod Deus nobis in Patrem futurus sit, & nos ipsi in filios & filias esse debeamus, 2. Cor. 6.v.18. quod nobiscum futurus sit in tribulatione, Psal. 91.v.17. quod auterre iniquitate, ejusque non amplius recordari velit, Mich. 7.v.18. Ezech. 18.v.24. quæ ejusmodi firmamenta sunt, in quibus fidem nostram fundare valemus, ne portæ inferorum prævaleant adversus eam, Matth. 16.v.18. Nam triumphator in Israel non falleret, 1. Sam. 15.v.29. sed omnia opera ejus in veritate, Psal. 33.v.4. Esa. 54.v.10.

2. Sacramentorum usuratio. Non enim Deus nudis verbis peccatoribus gratiam suam promisit: sed & Sacra menta addidit, tanquam sigilla gratiæ, quæ nobis in verbo Evangelii offertur, Rom. 4.v.11. Baptismus

est

PPP

est *Sacramentum initiationis*, quâ in fœdus Christi recipimus, & in Filios Dei adoptamur: iccirco Augustinus eum portam primam gratia, & Lutherus pueroram Regni cœlorum appellat, Joh. 3. v. 5. S. Cœna autem est *Sacramentum Confirmationis*, quo fides non modò excitatur, sed & robatur. Quod si honestus aliquis vir tibi centum Imperiales deberet, deditusque non modò syngrapham, sed & pignus, nonne fidem haberet ei?

Sic Servator noster nobis non modò remissionem peccatorum in verbo & per Ministerium verbi pollicetur, vi verborum, Joh. 20. v. 23. Sed & in sacra cœnâ pignus addidit, nempe pretiosum corporis & sanguinis sui pignus, ne dubitemus de plenaria peccatorum remissione. Hinc ait: *Caro mea verè est cibus: & sanguis meus verè est potus.* Qui manducat meam carnem, & bibit meum sanguinem, in me manet, & ego in illo, Joh. 6. v. 54. 55.

3. *Quotidiana oratio.* Cum oppidum Dothan à Syris cinctum esset, famulus Elisei non aliter opinabatur, quâ in manus hostis deventurum, dicebatque: *Heu Domine mi, quid faciemus?* Verum cum orasset Eliseus, aperuit Deus oculos pueri, & vidit: & ecce, mons plenus equorum, & curruum igneorum in circuitu Elisei, 2. Reg. 6. v. 15. seqq.

Sic & nos in ætumnis constituti, si fides nostra vacillare incipit, ad orationem tanquam ad sacram anchoram configiamus, dicentes cum discipulis Christi: *Dominne, adauge nobis fidem,* Luc. 17. v. 5. & cum Patre-Lunatici: *Credo equidem Do-*

mine, sed tu succurre incredulitati, Marc. 9. v. 24. sic non conceder, ut Diabolus calamum quassatum cōterat, & linum fumigans extinguat, Isa. 42. v. 3. quin potius, qui incepit in nobis bonum opus, perficiet usque in diem Jesu Christi, Phil. 1. v. 8. Psal. 145. v. 19.

III. *Familiam instrue.* Hoc iterum Regulus exemplo suo nos docet; non enim ipse tantum credit: sed domesticis quoque suis recenset, quam salutariter cœlestis hic Medicus ipsi profuerit, & filium curaverit. Hoc modo totam suam familiam ad Christum convertit.

Hoc officium Patrum-familias requirit, ut domesticos suos, liberos & famulitias vias Domini docere nullam occasionem prætermittant, sicut Abraham legem Circumcisionis non modò sibi & filio Isaaco, sed & servis suis applicavit, ut & illi in fœdus Dei recipierentur, Gen. 17. v. 23. Propterea B. Lutherus Parentes Christianos in minori Catechismo Catechetos constituit, iisdemque præscriptis, quomodo libertas & famulitio Decalogum, Symbolum Apostolicum, Orationem Dominicam, doctrinam de potestate Clavium, de Baptismo & Cœna Domini quam simplicissimè inculcare debeant.

Idque 1. *Severissimi*, ut acuant ipsis fidei articulos & præcepta Domini, Deut. 6. v. 7. Accedat exemplum, quo id ipsum confirmat. Nam ut Augustinus ait: *Plus valeat vivendi, quâ loquendi modus.* Qui verò ipse non facit, quod alios docet, alterâ manu ædificat, altera destruit, Sir. 34. v. 28.

2. Se-

2. *Sepissimè*. Sicut enim Pater-familias quotidie familiæ præscribit, quid laboris exaltare debeant: sic & indies ipsiis præcepta vita præscribat, ut quotidie crescant in cognitione Dei, magisque abundant, 1. Theſſ. 4.v.10. Hæc vera Deo placens sapientia est, melior margaritis, & omne desiderabile ei non potest comparari, Prov. 8.v.11.

3. *Simplicissimè*. Nos enim natura admodum rudes sumus, difficile æstimantes, quæ in terra sunt, Sap. 9.v.16. potissimum quod liberos ac famulos concernit, qui lacte adhuc utuntur, non cibo solido, Hebr. 5.v.12.

Sicut igitur Deus ipse condescendit nobis, & ad captum nostrum attemperat se: sic & Patres-familias simplicissimè domesticis mysteria Regni cælorum exponant, 1. Cor. 14.v.19.

Hoc muneris ipsorum est, cum talibus enim conversantur, qui Deo peculiarter commendati sunt. Hæreditas Domini, filii: merces, fructus ventris, Psal. 127.v.4. Qui igitur unum scandalizaverit de pusillis istis, expedit tibi, ut suspendatur mola astaria de collo ejus, & demergatur in profundum maris, Matth. 18.v.6.

Sic & servi & ancillæ, qui in re Oeconomicâ nobis inserviunt, nulla Ethnica

mancipia, sed Christiani sunt, qui cum Dominis suis in eodem fœderesunt, ideo quod justum est & æquum, iisdem præstarentur, Col. 4.v.1.

In aula Regia Ministri subalternati sunt, ubi semper alter ab alterius nitrū pendet. Si verò rem rectè expendas, supremus aulæ Magister, æque Regis Minister est, ac infimus stabularius: Ita Deus huic multum, illiparum concredidit, & tamen omnes servi Dei sunt. Omni autem, cui multum datum est, multum quæretur ab eo, Luc. 12. v.48.

Id igitur pii Patres-familias sibi dicunt, ut famulorum sedulam curam gerant, non modò quod sustentationem corporalem attinet: sed maximè quod salutarem informationem in agnitione Dei & Filii ejus IESu Christi concernit: id bonum est & acceptum, coram Salvatore nostro Deo, 1. Tim. 2. v.3. tales aliquando cum fiducia ad tribunal Christi accedere, & dicere poterunt, Ecce, ego, & pueri, quos dedisti mihi Domine, Esa 8. v. 18. jam incorruptos tibi reddam: suscipe illos, & me cum illis, in æternam gloriarn. Fiat ita per

Christum, Domum
nostrum, Amen.